



明詩正聲卷三十六 七言律詩六

廣陵

盧純學

江一夔



校閱



遊青帝觀三陽菴及普照蘭若

吳嶽

碧霄古刹洞雲低青帝離宮煙樹齊
虛谷人聲飄翠壁寒空鴈影落丹梯
窮探仙跡荒壇隱深入禪林野逕迷
清賞不違幽興遠欲尋石室伴僧栖

車中早發

盧楓

北來行役良不易
燕齊鄒魯阻且長
雙車鐸響月未落
四更雞唱天欲霜
擁裘假寐客語少
仗劍出郊草色黃
山中隱士正穩卧
日高數丈猶藜床

其二

長安久客歲云暮
言旋其柰天寒何
征夫戴星曉臨道
車人馱冰夜渡河
青山霧隱虎豹立
荒村日出漁樵過
今朝見說彭城近
戲馬臺邊一

醉歌

聞南方倭寇之警

海上黃塵十丈高
東南殺氣入波濤
萬家樓閣半烟燼
幾處園林遍野蒿
幕府出師無效死
朝庭遣將亦徒勞
江淮保障今誰是
韓信祠前憶六韜

送潘海居

陳鳳

天外長歌彩鷁飛
布帆冉冉挂斜暉
前峰月出浮雲斷
遠浦沙寒落鴈稀
海國未歸南渡客
秋

風空老北山薇客星一去溪堂冷何日樽前見
薜衣

原州鎮西樓劉公讌集

王維禎

危樓真倚白雲間霧堞陰陰合萬山地險胡塵
空絕漠天遙漢壘接重關樽前劔罷鏡笳起塞
上年來虎豹閒壯觀平生今更幾坐高明月不
知還

呂玉牕大叅邀登回中

薛應旂

關山雪後入回中天外羣峰百萬重青鳥尚依

玉母殿紫雲猶覆武皇宮千年古栢生瑤草幾
處殘碑卧石龍獨喜主人元姓呂欲驂黃鵠問
鴻濛

登海曙樓

朱衡

高樓百尺插空青檻外諸峰列畫屏漢署星辰
移北極海天風日壯南溟譯人歲至諳夷語戰
舸秋深驗水經却倚危欄時極日炎荒銅柱接
冥冥

臨淮遇雪贈劉侍御漸齋謫居

包節

白簡彤庭幾抗章一麾銅墨便為郎
關門變柳猶飛雪縣郭無花祇避霜
雲接楚山聊隱吏地臨淮海舊興王
可應禁闥違長孺帝念中都是沛鄉

彭城贈顧一諫議自居庸遇赦還蘇州

歲晚逢君塞上來紫貂零落劒花開
猶思玉殿批鱗日敢望丹霄托鳳迴
去國幾經邊地草還鄉初發故宮梅
長洲茂苑真堪隱漢帝能忘賈

誼才

晚望蒼山即事

吏散庭閒靜掩扉點蒼西望翠霏微
雲裁玉葉和烟潤濕濺珠花映雨飛
石洞經秋龍不起松枝將暝鶴初歸
冷然忽動餐霞思擬陟丹梯一振衣

冬日過朝天宮

袁煒

蕭颯寒空萬木稀仙宮晴覆曉烟微
風踈雲磬隨行佩松落冰花綴法衣
塵隔蘿烟知地迴雪

殘芝砌覺春歸年來漸欲尋玄理幾向丹臺覓
靜機

黃花嶺

程軌

驅車北上黃花嶺回首南臨寧武關刻日三軍
搜海套追風六月射天山鄉園縹緲孤雲外宮
闕瞻依北斗間極目龍沙秋色遠班超今已鬢
毛斑

登將臺

漠漠烟雲草色枯邊人指點說匈奴鳴笳紫塞

秋霜冷飲馬長城海月孤夜挽強弓驚感策朝
攀雄劔醉醪酥禦戎自古惟中策何事窮邊欲
滅胡

擣衣

喬世寧

城上秋風木葉稀城中思婦擣寒衣誰憐此夜
腸空斷獨恨經年戍不歸聲度隴雲傳雪嶺心
隨關月到金微相思更有殘機錦額逐長安一
鴈飛

聞警

太原烽火照中原何事諸軍守鴈門終夜聞笳
獨洒淚平生說劍只空言誰堪清嘯臨邊月坐
遣胡塵淨塞垣人道漢皇新好武洗兵今擬到
河源

送劉嵩陽冊楚藩

溫新

雪日飛旌出帝州玉壺載酒送行騶丹霄雲
擁天書去青瑣人傳諫草留楚甸鄉山應駐馬
洞庭春浪好移舟知君最切匡時念細采民風
上冕旒

春日詠懷

劉繪

涼州二月紫泥傳正是嫖姚出漢年玉塞雲橫
秋轉餉金河月冷夜鳴絃健兒戰骨黃沙裡突
騎摧鋒青海邊聞道飛書不論賞將軍灑淚度
祁連

駕出北郭謁陵

馮惟健

西湖東嶺靄春晴玉帳金輿出帝京鳥轉山
花迴鳳吹雲屯隄柳結龍旌諸峰盡向蒼梧繞
閣道遙看紫極明農扈閭闔關聖慮風塵盡

日捲簾行

西園宴集

趙王公子愛羣才春日西園為客開
導水曲從銀漢入引峰遙自太行來
臨溪授簡奉瑤草選妓分曹獻玉杯
自昔鄴中多勝事因題彩筆寄
鄒枚

石頭城有懷

馮惟敏

石頭城畔枕寒潮坐聽踈更夜
寂寥生計已拚尋舊隱窮年
猶自滯歸橈空悲浪迹淹三楚無

復傷心問六朝稷下故人知健否
何時散步汶陽橋

秋日寄懷家兄

馮惟訥

燕山木落鴈來遲遠客南歸未有期
明月雙縣江海淚秋風一寄鵲鴿詩
淹留賈誼心空折飄泊馮唐鬢欲絲
最是昭王遺恨處黃金臺上草
離離

追和未齋太保扈從出功德寺望金山
憶昔鑾輿出九重翠華遙拂殿前松
雲光深護

明詩正聲 卷之三十六
藏龍洞湖色平圍起驚峰繞座天花低舞席當
簷啼鳥雜歌鐘共言魚藻歡無極併入醍醐聖
澤濃

送龔侍御清戎滇貴

天王按劍欲專征 詔使分麾十道行
玉璽夜開鳩鵲觀樓船春下鳳凰城
日南島嶼揚於度 徼外蠻夷擁傳迎
為訪漢家銅柱在伏波千載獨垂名

隴州閻氏水亭延栢泉小集

習家臺榭枕滄浪飛蓋西園共舉觴
一迳花香含宿雨千林樹影帶斜陽
莫辭醕酌留山簡自喜追隨有葛彊
明發征軺各回首蕪葭秋色正蒼蒼

秋日同參伯邵公遊鳳皇山

鳳凰高閣俯晴空萬里蠶叢此路通
遠近川原秋色裡參差草樹夕陽中
尊前舞袖翻霜葉天外清笳咽塞鴻
回首舊遊成夢隔獨將遲暮歎飛蓬

劉司倉督餉涼州

王問

省郎銜命趨秦隴紫塞連雲白鴈過走馬川中
人跡少受降城上角聲多沙深戍士秋登堠月
暗輜車夜渡河三鎮邇來軍餉足懸知關外有
蕭何

贈侯二谷

江城雪後見君稀客舍蕭條日掩扉北闕上書
將賜告茂陵多病獨思歸細雨暗滋宮路草煖
風虓拂故山薇亦知驅馬違心事肯遣緇塵上

薜衣

聞警

皇家設險在居庸薄伐誰當上將功胡騎盡從
青海至邊烽遙傷黑山紅期門羽士領新竹遼
水徵書下朔風聞道移營向山後可令堅壘白
洋東

送顧九華赴滇南幕府

城邊日出曉裝成送子昆明萬里行五華峰前
無鴈度分茅嶺外有猿聲滇江半是黔人國銅

柱常標漢騎營欲建勳名須絕域渡瀘休起故
園情

臨春曲

朱曰藩

閣上張星舊在天閣中璧月夜仍圓雲歌宿鬢
初臨鏡風研乾紅未爨篋兩臂舞釵金婀娜一
聲歌樹玉嬋娟君王萬歲歡無極肯信汀花易
夕烟

無題和王子新

十二朱簾卷夕曛楊花春暮轉紛紛遙憐垂手
明如玉只恐翻身化作雲心事謾裁金鵲扇淚
痕偷寄石榴裙相思好墮雲間月莫學羅敷誤
使君

其二

葱菁玉樹宮槐陌婀娜纖腰楊柳枝多病心情
寒食後小樓風雨落花時陽臺永夜難為夢洛
浦微波可寄詞何許鑒儂心獨苦朝來青鏡有
垂絲

寒食

水滿春湖花滿城况逢寒食雨初晴花深不礙
秋千出水闊從教舴艋行午憩旗亭分杏酪夜
歸餽市有簫聲多情一樹山梨白小立柴門待
月明

元旦早朝作

晴雪初消太液池春風欲動萬年枝蛾眉斜綴
朝班合仙掌纔分淑景遲代馬自隨胡部樂宮
鷄慣識漢官儀小臣江海慚無補願采回波入
壽卮

盧溝遇番使入貢

西極名王款近關旃裘半曳珥雙環繁華初上
千金堰紫翠偷窺萬歲山禁籞年深羌果美沙
陀天遠戍旗閒漢家作意求龍種爭及輸來汗
血斑

過琉璃河新橋

聖明親賜萬方歸雙舄猶循舊路飛白晝雷聲
生積水青天虹影挂斜暉江淮烟火逢寒食京
洛風塵化素衣駟馬重過春好在盧溝殘月莫

依依

雨中過天隆寺檢經

歷陽飛雨過江寒亂石高山路萬盤不向諸天
行處險豈知三歲到時難深林貝葉僧翻少中
夏枇杷鳥啄殘獨怪世緣非偶爾入門先認說
經壇

春日遊虞山

莫如忠

興在春山獨遠尋行隨杖屨歷欽岑千盤磴出
花間路百轉鶯調谷口音石洞流雲蔽窈窕海
門初日變晴陰更臨絕巘看飛瀑頓覺清泠洗
客心

贈王督學

侯一元

長江千里白波來盡舸風輕五兩催新雨曉看
雷澤漲冰壺秋映洞庭開洲前落月聞湘瑟峽
外飛雲見楚臺辭賦郢中應一變漢家方重馬
卿才

送王思質中丞移鎮大同

應雲鸞

玉關烽火近王畿大將提師出武威鐵騎直衝

邊雪去樓船曾掣海雲飛北門實借黃金鎖東
土虛瞻繡袞衣况是非熊勞帝簡燕然定勒
漢功歸

送徐子與讞獄江南

楊繼盛

寥落白雲庭半虛有功此去更何如西曹月滿
幽人榻南國星隨使者車塞鴈不堪行又斷秋
風况是月飛初秣陵故舊如相問為道踈狂病
未除

大風中王元美年兄賜顧言及先寄詩扇

未到

陰陰朔氣滿皇州烈烈悲風暗鳳樓吹合凍
雲低欲暮俄添寒雨更生愁豈緣結襪知廷尉
莫以鳴琴問楚囚聞說右軍曾遠寄無因珠玉
好誰投

靈巖寺喜晴和吳學憲韻

呂時中

秋山雨過靜嵐氛爽氣朝來散鹿羣倚杖欲攀
峰頂樹披衣猶拂洞中雲青天塔影當巖落曉
閣鐘聲別澗聞自是新晴供引眺還從初地到

余曛

姑蘇湯興

龔秉德

吳王臺榭幾經秋
霸業蕭條勝跡留
千里湖山連震澤
萬家烟火帶長洲
酒酣夜市淹朱箔
花滿春城靜綺樓
獨有館娃宮草歇
麋廊月冷不勝愁

樊城東樓眺望

崇臺三疊俯微茫
高閣凌虛現寶光
夜引星芒搖畫棟
曉窺日影卧扶桑
山連隴蜀千峰峻
水遶湖湘九派長
信是中丞紆遠略
方城表裏奠金湯

承天恭謁 顯陵

楚雲何處覓蒼梧
曉霽祥光護郢都
西伯曾開周帝業
南陽重整漢乾符
陰森玉隧通靈室
縹緲金燈照鼎湖
聖代幾多霜露感
萬年湯沐鞏皇圖

淮上逢董潯陽太史歸湖州

明光罷草憶林廬
銀漢仙槎慰客居
淮海遙傳

秦太史臨邛還憶馬相如
隔溪花柳邀文藻
近水雲霞護簡書
明發湖南傷此別
滄江何處問雙魚

雨花臺眺望

崇臺縹緲出雲孤
春日憑虛覽壯圖
江遶潯陽遙辨楚山連
京口半吞吳
秦淮風土憐今昔
王謝豪華問有無
回首長干傷往事
六朝烟雨混薜蘿

九日携具要錙將軍迷閣登高有懷

劉景韶

蓬萊閣上劔歌豪
縱酒聊舒百戰勞
漠北金河歸鴈斷
塞南銅柱拂雲高
尊前霜菊浮隋苑
亂後秋砧雜海濤
却咲牛山空墮淚
風塵天地屬吾曹

登山海亭

張登高

石勢參差一徑通
捫蘿遙望海天空
亭高下瞰扶桑日
野曠平臨太乙宮
雲起波濤飛几席
潮來風雨入簾櫳
行吟洞口青冥上
十二樓臺暮

明詩正聲
卷之三十六
霽中

送蕭麓泉參戎之西夏

許用中

旌旗閃爍賀蘭山
閩外將軍伯仲間
地繞黃河通漢渚
天連紫塞護秦關
金壇動律元同霍
玉陛論功肯謝班
懸纛吹笳清夜宴
三軍時奏凱歌還

寧遠贈徐叅將

劉爾牧

金微飛將鎮雄軍
都護先聲朔漠聞
出塞披裘推善戰
臨戎橫槊更能文
狼烟夜靜三城戍
鳥翼春低八陣雲
早晚歸來麟閣上
分茅容易策元勲

重陽前一日

楚天愁絕九迴腸
漢水煙波動渺茫
鴈盡北書無日到
秋深南菊為誰芳
江頭落葉催行路
峴首浮雲蔽故鄉
惆悵年來遲暮意
明朝風色是重陽

聞警

天府山河有舊名
防秋春蒞隴西兵
飛旌會出

日言一上卷之三十一
盧龍塞帶甲先屯細柳營帝闕當關重選代邊
城堅壁數專征十年為吏逢時難遠愧終軍欲
請纓

普德寺

皇甫汈

古寺城南訪六朝高臺一望幾蕭條門前黃葉
催年暮林外青山覺路遙塔影常圓沙苑月鍾
聲靜帶楚江潮老僧宴坐耽禪定送客何曾過
虎橋

余君房有事山中枉過

汪坦

抱病蕭然獨掩關空林時見鳥飛還封書曾附
霜前鴈乘興來看雪後山絕巘片雲真可贈寒
泉落木正堪攀花開重覓桃源路白髮漁磯在
九灣

送李伯承符卿奉使德藩冊封便道歸省

翟汝孝

金粟仙人符璽郎遙將桐葉賜親王天開寶
冊輝丹禁雲擁朱幡入故鄉岱嶽烟霞紆健節
蓬萊明月引飛觴知君不負登臨意賸有新詩

達建章

邠州秋望

劉崙

滿天風雨獨登樓極目蕭蕭萬里秋
縹緲雲霞迷古堞微茫烟樹帶荒丘
凌陰近接青山渡夾岸斜穿碧水流
七月寒帷問幽俗授衣翻起故鄉愁

天津即事

秋盡蒹葭白露晞片帆遙逐朔鴻飛
天橫絕塞孤雲遠水繞寒城落照微
四海徵求方訴急九邊征戍未言歸
天津橋畔高回首疏草還應達禁闈

送閔水東院長山西提學

李春芳

幾年載筆侍明光文旆西飛指晉陽
螭案久瞻天表日豸冠初試憲臺霜
春潮砥柱看龍化雲霧河汾見鳳翔
化雨暫敷鳴珮入含香舊侶遲鵝行

開城路

甘茹

長風獵獵夾雲飛初日曛曛映雪輝
千里川塗

明言上卷
卷之三十六
游子倦三春花鳥賞心違山圍古戍寒鳴柝樹
壓荒城晝掩扉此地胡兒曾牧馬元戎何以達
宵衣

韓侍御月溪巡邊圖

青海春遲咽暮笳黃河戍遠接流沙提兵遠斷
匈奴臂奉使親承博望槎宛馬千山餘首蒼明
妃一曲尚琵琶塞帷遠近無烽火懷古詩成塞
日斜

贈雷總兵

朱笈

關西年少擁高牙長日轅門靖塞笳旗獵風雲
屯虎豹營連星斗抱龍蛇黑山近徙王庭幕青
海遙通漢使楂帶礪夙盟元不負憑將雙劍問
張華

登燕子磯次韻

曹大同

百疊蒼屏一徑通背巖亭子枕江雄歸雲擁樹
深藏寺峭壁連城上逼空萬戶煙花晴照裏六
朝興廢水聲中間情徙倚虛明界鐘磬蕭蕭落
晚風

曉登太行望汴河寄李僉憲 呂時

冥冥石棧亂雲屯
歷歷星辰手可捫
山插青天縣上黨
河橫赤縣抱中原
催人曙色群鳥散
到海潮聲萬馬奔
遙憶李膺天下士
春風咫尺向龍門

曉行塞上

蒼蒼曙色動金微
拜別將軍出鐵圍
萬里中原孤月墮
十年邊塞幾人歸
白狼西下黃雲迴
青塚南頭朔鴈飛
滿磧腥烟新戰後
秋風匹馬倍

沾衣

憶廬山

劉鳳

廬岳雲深翠色重
屏風九疊倚芙蓉
虹霓日射康王谷
河漢秋懸玉女峰
巖上游龍飛瀑水
隍中積雪洒長松
石梁更出天池側
慧遠匡君總未逢

送趙戶部出守淮陽

李攀龍

仙郎起草漢明光
幾載軍儲事朔方
五馬新為淮海郡
三臺舊署度支章
行車麥秀隨春雨
卧

閣花深對夕陽時憶上林詞賦客鴻書遙下楚
雲長

崔駙馬山池宴集

主家池館 帝城隅上客相如漢大夫十里芙
蓉迎劔舄一尊風雨對江湖橋邊取石鯨飛動
臺上吹簫鳳有無向夕不堪車馬散朱門空鎖
月明孤

送王郎守安慶

花滿胡姬春酒樓使君五馬五驂騶明光起草
推高第三十專城領上游天柱西懸江漢影海
門東控 帝王州到來紆畫思同舍萬里風烟
白鴈秋

送豐城杜少府謫滇南

共惜投荒萬里天當朝起草事空傳主恩綠髮
神仙尉客夢青雲侍從年盤水秋帆開瘴癘黔
陽春樹隔風煙孤臣自有豐城劔遙夜思家向
斗邊

送劉員外使黔中

明詩正卷之五
三楚斷海天不盡百蠻開白雲使者乘輶過金
馬祠官擁節廻為泛昆明誇上苑令知漢主自
雄才

與謝茂秦金山寺亭上望西湖

孤亭遙上翠微重檻外空林何處鍾秋到諸天
開蒼荀湖連雙闕散芙蓉雲光忽落竈鼉窟雨
色飛來鸞鷲峰自是登臨能作賦肯令陶謝不
相從

同王元美宗子相梁公實分賦懷泰山得

鍾字東魏順甫

域內名山有岱宗側身東望欲相從河流曉挂
天門樹海色秋高日觀峰金篋何人探漢策白
雲千載護秦封向來信宿藤蘿外杖底西風萬
壑鐘

徐子與席懷梁公實

共指金莖雪色間鳴珂當日滿朝班即看徐孺
能懸榻豈謂梁鴻更出關薄宦天涯成白首故

人江上買青山嶺南梅樹今堪折贈我寧無驛
使還

同張滑縣登清風樓

層樓落日倚蹉跎明府高軒載酒過檻外秋陰
開大陸簾前樹色散漳河關門紫氣臨燕滿風
雨青山入晉多我醉欲裁王粲賦故園戎馬近
如何

郡城樓送吳明卿

徙倚高樓問索居故人湖海意何如尊中十日
平原酒袖裏三年薊北書大麓夏雲當檻出石
門寒雨過城疎明朝遠道空相憶那得仍停使
者車

登黃榆馬陵諸山是太行絕頂處

太行山色倚巔屹絕頂清秋萬里看地拆黃河
趨碣石天迴紫氣抱長安悲風大壑飛流急白
日千崖落木寒向夕振衣來朔雨關門蕭瑟罷
憑欄

其二

西嶺秋高大陸前馬陵寒影踏遙天群峰不斷
浮雲色絕嶂長留落日懸地險關門銜急峽山
竒削壁掛飛泉何人更遇青泥飯有客空歌白
石篇

平涼

春色蕭條白日斜平涼西北見天涯唯餘芳草
王孫路不屬朱門帝子家宛馬如雲開漢苑秦
兵三月走胡沙欲投萬里封侯筆愧我談經髮
有華

上郡

叱馭何來絕塞遊獨看山色向新秋人家漸出
層厓樹客路高盤斷壑流朔氣忽隨風雨至孤
城長傍夕陽愁五原子弟輕烽火馬上談經半
白頭

杪秋登太華山絕頂

徙倚三峰峰上頭蕭條萬里見高秋蓮花直撲
青天色玉女常含白雪愁樹杪雲霾沙漠氣岩
前日暈漢江流停杯一嘯千年事不擬人間說

壯遊

送馮汝言學憲之浙江

儒臣奉詔外臺居况復揚波海晏如門下美才
收竹箭卧中高士羨桐廬山川半入吳都賦風
俗兼傳越絕書始信工文官自達 王恩垂老
不曾踈

明詩正聲卷三十六

明詩正聲卷三十七 七言律詩七

廣陵

盧純學

選輯

江一夔 校閱

憶昔

王世貞

憶昔 文皇三出邊六龍飛雨淨胡烟天門直
向陰山闢北斗翻從南極懸鐵馬春饑填瀚海
金人秋祭失初連只今何處無廉李野哭荒村
幾歲年

送胡子文太史使荊州遼府

江漢諸姬近帝鄉方城紫氣鬱相望寧因剪葉
勞周史不為包茅問楚疆作賦雄風連七澤行
舟積雪滿三湘上林簪筆應相待留滯何須念
子長

贈尹生

當年結客度居延一騎曾驚虜陳穿匕首長寒
燕市雨旄頭不斷薊門烟青春射策當三殿黃
石傳書定幾篇自是嫖姚新領部單于秋祭莫
臨邊

送子與祀康陵

佳城葱鬱鎖楸梧武帝神游定有無金榜星辰
千嶺逼翠旗風雨萬靈趨俱傳駿足留瑤海亦
有龍髯墮鼎湖此日詞臣空灑淚獻陵春望已
模糊

于鱗邀登郡樓分得秋字

使君杯酒一登樓倚檻蕭條木葉愁不盡天風
吹大陸何來嶽色滿邢州匣中星動雙龍夜柝
裡寒生萬馬秋為問郡曹諸記室幾人能並李

膺遊

重登金山

蒼藤絕巘鎖丹寮忽有鐘聲至沈寥萬堞對分
天塹色千櫓爭上海門潮雲低鴈鶩行時斷日
落龜鼉卧轉驕屈指舊遊君莫哂十年吾豈愧
漁樵

岳王墓

落日松杉黯自垂英風蕭颯動靈祠空傳赤帝
中興詔自折黃龍大將旗三殿有人朝北極六
陵無樹對南枝莫將烏喙論勾踐烏盡弓藏也
不悲

奉寄致政太宰楊公

三提鵠印掃胡塵再入鷓班領薦紳昭代風雲
扶正氣累朝生養出名臣焚魚暫托歸田賦躍
馬猶強報主身為問古來賢將相幾人端不愧
麒麟

送陳中丞以中被論回閩候勘

九郡提封盡晏如五雲長擁五熊車濤聲盡偃

銷兵後霜色秋高攬轡初海外正傳司馬檄篋
中先報樂羊書知君暫假天池息水擊搏扶自
有餘

奉謁 長陵敬志鄙感

長陵松柏似龍蟠象緯高垂列漢官萬里乾坤
留劔舄百年豐鎬見衣冠只今南粵虛傳譯聞
道西羌未解鞍 文帝威靈終在眼秋來霜露
不勝寒

病甚懷李于鱗

蕭條落日罷銜杯寒入楓林夢乍迴我已河山
甘付骨汝從天地更論才途窮萬事輕相讓意
盡千秋莽自哀藥餌漸扶雙眼在未須驚策素
車來

送張戶曹出計百粵暫如銅梁

薊門擐甲待胡烽海內軍需不自供赤羽去隨
新使者黃金歸隸大司農界標銅柱天垂盡人
度蒼梧瘴幾重聞道壯遊仍畫錦春來車馬入
臨邛

提兵安東海上大閱

親提千騎向東方
劍客黃金盡解裝
桃葉初明珠勒馬
梨花半點綠沉槍
拍天濤湧軍聲合
駕海雲扶陣色揚
北闕尚虛南越首
何人先領伏波章

登岱二首

軒轅皇帝有高臺
鞭石千秋鳥道開
匹練天縈吳觀出
金泥日射漢封回
西盤瓠子河如帶
東挂扶桑海一杯
誰為登臺論王氣
祇應塵世有

仙才

其二

尚憶秦松輦路傍
至今風雨鬱蒼蒼
千崖忽敞中原日
六月長飛使者霜
在昔釣天青帝座
即看封禪白雲鄉
茂陵書就應猶渴
自有池頭玉女漿

北郊卧病不赴齋
宿属王元美諸人並移

病因賦

徐中行

仙臺玉漏霽沉沉
遙望金莖祗自吟
司馬文園

長病渴漢皇宣室正齋心高城過雨疑秋早閒
館焚香坐夜深何事故人俱伏枕虛傳載筆賦
汾陰

射陽湖逢宗子相北上醉別

邂逅長安舊酒徒張燈夜醉射陽湖斗間劍氣
雙龍合江上濤聲萬馬趨病起適逢枚叔賦狂
來重入步兵厨明朝挂席還南北回首長淮月
色孤

喜李于鱗至

只尺關門紫氣層溱沱千騎踏寒冰
塞帷雪色迴雙闕擊筑春星動五陵
肝膽詎從詞賦見聲名或藉壘書增亦知元禮龍門迴却怪當年醉裏登

送王元美出塞

柳色春深五鳳城明光使者授長纓
風雲六傳從天下鼓角千山出塞行
豐劍盡摧恒岳色郢歌秋折大河聲
何人為掃燕然石萬古寧留爾輩名

元日簡黎惟敬

天涯回首跡俱陳
雲物長安歲自新
托興梁園
惟我在倚歌燕市
更誰親風塵
一病生華髮
劍佩連朝隔紫宸
吾黨漂零君自見
相逢寧惜賦陽春

寄荅廣陵歐學博

蕪城客夢滿江臯
千里懷人尺素勞
篋裡夜光
南海月賦中秋色
廣陵濤談天寧復如燕市
翫
世何妨似馬曹
念爾最憐中散調
知音寥落好

誰操

九月八日登天津城樓
遲謝茂秦山人李

比部伯承

搖落千山客思哀
城樓面面海雲開
漁陽秋色
三邊盡碣石
悲風萬里來
南北烽烟聊對酒
古今懷抱一登臺
明朝更有龍山約
羌笛胡笳莫漫催

山陵道中風雨

春日幽州黯不開
蒼茫寒色徧燕臺
乍驚芒碭

蛟龍過復似嶠函風雨來地坼黃河愁震蕩天
迴青嶂鬱崔嵬憑凌却憶狂胡日烽火高秋鼓
角哀

其二

鼎湖曉散千峰雨黍谷春開萬壑冰閣道陰森
盤樹杪宮牆繚繞隔雲層東來海色迷玄菟西
望烽烟暗白登忽憶高皇歌猛士大風蕭瑟起
諸陵

游荆溪張公洞

迢遙複岫倚高天百折危梯入紫烟赤日洞門
吹積雪青雲樹杪挂飛泉潮生壑底三江應霞
起壺中五嶽懸一自張仙冲舉後黃金大藥有
誰傳

寄嶺南李僉憲

一別承明阻舊歡乘駝君復出長安天南氣色
歌銅柱日下聲名壯鐵冠霜肅炎荒春瘴盡月
明滄海夜珠寒共嗟嶺外翔鴻少欲寄琅玕道
路難

登岱

跌蕩天門日月開
削成丹壁擁崔嵬
河宗岱嶽翻西遶
山拱神京自北迴
黯淡春陰收碣石
霏微佳氣接蓬萊
更聞玉女三漿在
願上君王萬壽杯

其二

東嶽崢嶸迥不羣
中峰瑞靄更氤氳
天門雪盡河流合
日觀春晴海色分
風起秦松常似雨
氣蒸漢檢欲成雲
千秋往事終銷歇
猶說相如封

禪文

黃鶴樓

吳國倫

黃鶴仙人去不回
漢庭樓閣自崔嵬
千帆雨色當牕過
萬里江聲入座來
雲夢天低湘女怨
洞庭葉下楚臣哀
西風何處聞長笛
亂落梅花到酒杯

鄱陽湖

欲向匡廬卧白雲
宮亭水色晝氤氳
千山日射魚龍窟
萬里霜寒鴈鷺群
浪擁帆檣天際亂
星

蟠吳楚鏡中分東南歲暮仍鼙鼓莫遣孤舟逐
客聞

夜泊都昌有感

湖上千山抱邑城夕陽孤棹遠天橫黃花何處
逢人醉白髮應從此夜生萬里星辰纏殺氣幾
家砧杵斷秋聲陶公事業遺墟在今古中原抱
甕情

河間道中

楊花如雪下城阿匹馬班班野堞過春事漸隨
行旅盡夕陽偏向逐臣多武垣跋地雄三輔瀛
海蟠天落九河悵望薊門烽火近却憑孤劍起
悲歌

李于鱗上計且至病中志喜

聞君五馬度滹沱相望檐帷雨雪過獻璧親承
天子問賜金誰似大夫多書來一判呼盧醉病
起猶堪擊劍歌此地重逢關象緯不知寒色掩
鳴珂

寄李于鱗

萬里悲風吹暮笳
逐臣猶自傷京華
裁書欲寄孤生社
謝病曾營五色瓜
馬上山明青海月
夢中春老赤城霞
可憐舊社諸兄弟
只似河橋楊柳花

邊警

頻年虜馬聚河源
入夜烽烟度薊門
招募已空三輔士
亂離無復百家村
邊聲忽下書生淚
秋氣先銷戍客魂
劔騎翩翩歌出塞
漢庭諸將又承恩

梁公實謝病歸南海詩以送之同于鱗元

美賦

潞河新雨動微涼
越客歸帆帶夕陽
無柰茂陵常臥病
非關揚子薄為郎
三邊斥堠驚蓬鬢
五嶺烟霞護草堂
岐路未堪論後會
斗邊龍氣遠相望

同元美登蕪城閣得秋字

隋隄高閣俯邗溝
載酒歡同賦客遊
樹裏鐘聲山寺午
簷前雨色海門秋
離宮花鳥都陳迹
輦

道風沙自古丘二十四橋何處是且乘明月醉
揚州

送李侍御于翔按雲中

聖主宵衣北顧頻簡書親授殿中臣胡笳暮咽
三城戍漢節秋清九塞塵行部青驄飛雨雪匡
時白筆動星辰疆場何日銷金甲草疏應知涕
滿巾

送方兆行兵備上谷

鴈門西去朔雲馳萬壘烽烟六月師聞道單于
窺上谷不知方叔領邊陲橫戈已壯吞胡氣按
轡新成出塞詞莫向銅標嗟往事燕然今是勒
功時

過安鄉逢沈伯成明府有感

經過茂宰分符地忽憶參軍請劍年一死終回
明主聽孤忠翻藉佞臣傳却看臍火燃西市遂
有天書錄後賢君父恩讎千古事斗光猶自壯
龍泉

登滕王閣

崔嵬古閣大江頭病起登臨屬暮秋窓際白雲
吳楚合波間赤日古今流山川不盡孤臣淚歌
舞曾聞帝子遊萬里烽烟迷北望還如王粲在
荊州

上黨李文昭公正統己巳以光祿丞死土
木之難 朝有卹典邦人至今祠之其
曾孫克善為開封郡丞雅意表章先烈
吳子感而賦焉

何人諫獵叩彤闈扈從當年事已非萬馬忽乘
青海戍六師翻困白登圍魂依塞草寒無色血
濺胡雲黯不飛千載孤忠懸俎豆還如仗節虜
廷歸

燕臺感秋

梁有譽

薊北風烟警壯心感時偏覺二毛侵功名空羨
虞卿璧世事徒高季子金戰後關山生暝色雨
餘城郭澹秋陰即看節候堪杯酒徒倚聊為越
客吟

送羅山甫還潤州

羅含長嘯出燕都負笈空藏五岳圖搔首風塵
悲燕雀浪游詩卷滿江湖人憐玉樹秋雲遠家
對金陵海月孤為問戴顓栖隱處烟霞還似昔
年無

送陳山人自真州還越中

客子將歸夢若耶烟波深處隱淪家相逢一滯
淮南桂別後應迷洞口花瀑布晴搖青嶂雨飛
梁朝映赤城霞越中山水多佳麗莫嘆漁樵老
歲華

燕京感懷

鹿塞戈鋌血未乾龍廷烽火報長安擬擒可汗
先開幕欲拜嫖姚更築壇青海月明胡馬動黃
榆風急皂鷗寒材官羽騎多如雨夜夜旄頭倚
劔看

揚州悼隋離宮

藻井雕甍駐絲霞錦帆一去已無家淒涼夜月
樓前舞零落春風仗外花殘燒繞原碑卧草夕
陽依岬柳葭鴉可憐流水滔滔逝不識人間有

歲華

姑蘇懷古

看山幾日到吳中
遊客登臨感慨同
金虎跡荒靈氣滅
水犀軍散霸圖空
春歸茂苑烏啼月
花落橫塘蝶怨風
誰識倦游心獨苦
扁舟長憶五湖東

寄宗吏部子相

野館西風叢桂開
天長猶阻朔鴻來
憂時應念山公啓
作賦空慚水部才
一卧烟霞違漢署
幾看烽火望燕臺
清秋河嶽堪藜杖
莫動江南庾信哀

萬章甫兵憲滇中

魏裳

仙郎擁傳出燕關
開府西南控百蠻
萬里烟濤青雀舫
千秋詞賦碧鷄山
主恩題柱雲霄上
時難論兵天地間
春到昆明懷漢苑
幾回鳴玉共朝班

懷徐子與

頻年烽火近長安
關塞空嗟行路難
亂後客心

明詩正卷一
愁裏折別來書札夢中看玄經草罷時名左白
石歌成夜色寒明月五湖堪欲滿懷人千里正
凭欄

同王元美集吳明卿

宗臣

清秋此日滿長安那肯過逢不夜闌風雨忽隨
雙騎到薜蘿相對一尊寒愁心獨有中原在俠
氣君從北斗看戎馬關山餘涕淚十年空負漢
臣冠

登景山落霞亭

搖落青楓此上臺石門雙磴倚崔嵬河流南注
崑崙坼龍氣西看芒碭摧十月衣裳寒杵急孤
城睥睨暮笳哀故山麋鹿還誰主楚水淮雲首
重回

二月

二月春華滿鳳城萬家楊柳共愁生烽高紫塞
愁都護詔下甘泉議北征昨日羈縻胡市馬西
風蕭瑟漢臣纓瓊衣玉札殊恩澤早把勲勞答
聖明

寄懷子培舍弟

故園春草日依依別後池塘今是非明月江楓
頻憶弟清秋塞鴈一霜衣病多客枕餘芝朮書
去鄉山問蕨薇聞道滄洲新水闊可憐鷗鷺滿
漁磯

送方行人使魯還蜀

仙吏朱衣下紫霄天書親捧翠微遙梅花一夜
飛羌笛明月千山護使輶魯甸王程逢鴈盡劔
門鄉思聽猿銷送君雙淚悲遊子白髮清江正

寂寥

春興

遙傳塞上又徵兵使者飛書入漢京邊馬不歸
青海戍朔雲常斷玉關纓七陵松檜今開府三
輔河山夜勒營自是群公能策虜即看赤羽莫
深驚

其二

司馬提兵夜渡河羽林諸將擁雕戈青山一戰
殘鼙鼓落日千家泣綺羅盜賊似聞能漢語東

南何地不夷歌浮生轉覺江湖窄難把衣裳任
芟荷

九日陪祀山陵

九日山陵木葉丹北來秋色抱長安天開紫極
羣龍起月照蒼梧萬騎寒絕壁正當胡馬路西
風不落漢臣冠青萸黃菊年年事誰擬今從北
斗看

送張肖甫奉命督租閩粵

高天落日照中原匹馬凌風出薊門赤羽頻年
荒稼穡蒼生何處問雞豚七閩雨雪王程急百
粵樓船帝使尊長孺不妨仍矯詔寬租曾識
漢庭恩

送龔侍御之南都

謝榛

萬里天風吹鐵冠三吳秋水正漫漫匣中星動
劍光白帆外霜飛江色寒鴻鴈早傳瓜步信芙
蓉還傍石城看南都賦就應相憶明月孤樽坐
夜闌

送李別駕宗器

一樽聊醉濁河濱老去相知更幾人
道瑟離聲逢雨雪郢歌高興得陽春
自憐索駿堪酬主不
是連城豈致身北望即今天只尺
佩刀寧復久風塵

秋日寄皇甫水部兼呈子循別駕

聞君遙自楚天來一到梁園見賦才
搖落舊曾悲屈宋寂寥今復吊鄒枚
黃河蕩日寒聲轉嵩少連空遠色開
何事弟兄俱謫宦西風愁對菊花杯

寄懷陸汝成

花前尊酒度清宵夢到春江萬里橋
明月下連秦塞迴白雲秋盡蜀天遙
自憐詞賦成多病君有聲名起
聖朝應對青山吊楊馬騷魂千載
復誰招

送章行人景南使閩

春盡天涯感別離滄波遙望去帆遲
江南到處牽芳杜海上先秋薦荔枝
見月應勞燕市夢逢人好寄幔亭詩
山靈暫爾留旌節北極風雲重

所思

送謝武選犒師固原因還蜀會兄葬

天書早下黉星軺二月關河凍欲銷
白首應憐班定遠黃金先賜霍嫖姚
秦雲曉度三川水蜀道春隨萬里橋
一對郫筒腸欲斷鵲鴿原上草
蕭蕭

送客遊洞庭湖

相逢楚客問巴州此去揚帆湖上游
天漢長連洞庭水雲霞半入岳陽樓
低空白鴈投寒渚隄浦丹楓照暮秋
莫向湘君聽鼓瑟黃陵月冷不勝愁

登五峯山有感

秋杪躋攀石磴懸手扶藜杖出風烟
東分遼海千重嶺北盡胡沙萬里天
秋草征夫烽堠外夕陽歸鳥戍樓邊
時看白骨成悲感為憶嫖姚戰伐年

春宮詞

長信宮中芳草生晚風獨立正含情
時顰柳葉

聽龍駕誰隔桃花吸鳳笙金屋半開春寂寞珠
簾不動月分明燒殘蠟燭虛長夜遮莫同心結
未成

送朱參政之豫章

落落才名三十年宦途華髮轉堪憐獨辭上國
星隨馬四渡西江雪滿船湘鴈晚低彭蠡澤楚
雲春澹豫章天定知豐劍歸君後遙望長安北
斗邊

對雪

朱玉汝

北風吹雪下平蕪萬樹飛花半有無山擁宿雲
天一色寒深極浦鳥羣呼路迷剡水扁舟遠夢
入羅浮片月孤徙倚官梅發長嘯鬢毛愁絕歲
華徂

奉使至故園

陳栢

數載風塵逐帝畿蹇綠持節慰慈闈即看松
菊荒猶在可那親知半已非薄祿堪羞玄鬢改
故山應笑素心違何時得乞林泉骨更向滄江
覓釣磯

問津

沈明臣

寒烟衰草澹斜暉千里蕭條故舊稀
霜鴈北從淮海過暮雲西向秣陵飛
馬頭見月圓還缺江上逢人去又歸
我獨何為轉飄泊聞津遙指釣魚磯

胡司馬綠野園

功臣甲第故來高門接青山
祭戟遙詞客吐茵開曉障健兒騎馬射
秋鷗風雲色變琯弓暗日月光寒寶劍銷
此日年曇惟有淚曲池無水草

蕭蕭

送人入蜀

挂席西征向蜀州金閭送客使人愁
雲迴巫峽峯前斷水落巴江天際流
萬里錦官秦塞月孤城白帝漢宮秋
永安祠廟虛無裡定采蘋花薦武侯

和潘雲卿宮女為尼

妬寵承恩亦自憐乞身今許佛堂前
春來幡綉新頌錦夜買香燒舊賜錢
空色桃花衣上淚禪

心貝葉字中蓮恒河沙水西來闊洗盡人間恩怨偏

得吳高州明卿書寄之

十年不調一官貧牢落高州幾度春為報明珠還合浦何時龍劍起延津雙旌晚傍蠻雲色五馬秋逢徼外人萬里書來驚老眼數行三復便沾巾

寄余君房讀書大慈寺

東書投入梵王宮深在丹山赤水東高放夜牕披海月涼開曉帳領湖風午溪鐘度千花裡夕路僧歸萬樹中汝本佛奴元慧性悟來心地轉成空

同盧子明遊福山大慈寺

大慈雄刹瞰崇阿石上諸天在薜蘿綠樹幽深藏殿古青山高下入門多江風北引鐘聲去海色東浮鳥翼過池畔逢僧聞說法蓮花無水不生波

寓雲居偶得友人書

施峻

精舍迢迢隔翠微
蕭閒全與世塵違
踈燈照雨
簷花落短髮臨風木葉稀
白鴈虛疑千里信
青山容得幾人歸
詩成正在鐘鳴後
獨立空庭攬舊衣

感秋

保欽

十載中原挾策遊
歸來巾舄枕林丘
霜高朔鴈
千山暮木落寒砧
萬戶秋北極
朝廷深雨露
南天陵寢望松楸
傷心獨抱瘡
痍痛夜雨寒燈
淚不收

其二

傳聞烽火照西京
誰意中原更勒兵
白草霜前
回紇馬悲笳
月底朔方城
封侯壯志思投筆
繫虜雄才願請纓
都護受恩期報主
寶刀珠勒看縱橫



明言正考

卷之三十一

三十一

